



Saunia e Elder Vaiangina Sikahema
O Le Fitugafulu

I na ua lima ou tausaga, sa malaga lo’u aiga mai Toga i Niu Sila ina ia faamauina i le malumalu. Muamua, sa matou folau mai Toga i Fiti. O tagata o le Ekalesia o loo matou malaga faatasi sa pepese i le ala atoa. Na oo mai se afa. Sa maualuluga atu galu nai lo le vaa sa matou i ai! A o faateteleina le afa, sa matou pepese leotele. Na iu lava ina mavae atu le afa.

Ina ua matou taunuu saogalemu i Fiti, sa tatau ona matou tietie i se pasi i le malaevaa-lele. Ona matou o lea i se vaalele i Niu Sila.

Ina ua tulaeleele le vaalele i Niu Sila, sa i ai se isi matou malaga i le pasi mo le lua itula. O se taeao mālu ma ni ao maualalalo. Sa talanoa tagata uma sa i luga o le pasi. Sa matuai leotele lava! Ona iloa atu lea ole malumalu, ma na faafuasei lava, ona matua filemu lava le pasi. Sa faatopetope atu tagata uma i le itu lena o le pasi e vaai i ai. Sa ou faapea o le a mafuli le pasi!

Sa sii a’u e Tama e faasaga i le faamalama o le pasi ina ia mafai ona ou maua se vaauga lelei o le malumalu. Sa foliga mai na faaopeopea le malumalu i ao. Sa foliga mai o se lagi.

E ui lava na tupu lena mea i le tele o tausaga ua mavae, ae o loo ou lagonaina lava lena agaga faapitoa i le asō. Sa matou iloa sa matou tilotilo atu i le maota o le Atua. O le taimi muamua, sa na ona matou vaai i ai i ata. Sa matou ofo. Ou te manatua sa ou mafaufau, *O i ai iina le Atua?* Ma sa vave lava, ona ou mafaufau, *O le maota lenei o le Atua. E moni lava o loo I ai o Ia.* Atonu tatou te le vaai ia te Ia i totonu o le malumalu, ae tatou te iloa e mafai ona tatou lagonaina Lona Agaga iina. ●

Mai se faatalanoaga ma Richard Romney.

O i ai iina le Atua?



MAE'A



AMATA



O Se Malaga i le Malumalu

Mulimuli i le paso e fesoasoani ai i le aiga ia oo atu i le malumalu!